

3 1761 00581606 1

Zimmermann, Richard
Quibus auctoribus
Strabo in libro tertio
geographicorum
conscribendo usus sit,
quaeritur

R. ZIMMERMANN:

QUIBUS AUCTORIBUS STRABO
IN LIBRO TERTIO
GEOGRAPHICORUM CONSCRIBENDO
USUS SIT, QUAERITUR.

PARS PRIOR.

PA

4440

Z65



809508

I.

Cap. I, §§ 1—6. Cas. 136—139.

§ 1.

Strabo postquam libro primo et secundo prolegomena ad totius terrae descriptionem exposuit, libro tertio ad Hispaniam primam Europae occidentalis partem depingendam transit: quod e totius operis institutione et ordine fieri prima paragrapho explicat.

§ 2.

Deinde par. altera qualisnam sit huius terrae fertilitas forma species breviter demonstratur. Vix quisquam existimabit, harum rerum notitiam ab uno quodam scriptore Strabonem petivisse. E contrario consentaneum est geographum ex iis, quae de Hispaniae aliis partibus apud alios auctores invenisset, ipsum animo sibi effinxisse imaginem totius terrae. Hoc autem recordari oportet, huic libro nihil inesse, quod ipse aspiciens cognoverit; quod elucet e II. c. 5, 11 C. 117: *ἐπὶ λθόμεν δὲ ἐπὶ δύναν μὲν ἀπὸ τῆς Ἀρμενίας μέχρι τῶν κατὰ Σαρδόνα τόπων τῆς Τερρηνίας.*

§ 3.

De hac par., in qua verba fiunt de figura finibus situ ambitu Hispaniae, nunc quidem quaestionem non instituimus, quia quo ex fonte Strabo haec hauserit, latet neque prius aliqua ex parte perspicui posse mihi videtur quam quaestio haec iam pro-
vecta sit. Transeamus igitur nunc ad

§§ 4—5

ubi de promunturio Sacro agitur. Ac primum quidem ea secer-
namus, quae Strabo ipse mutua sumpta esse indicat. In par.

quarta inde a verbis αὐτὸ δὲ τὸ ἄκρον seqq. Artemidori narratio refertur (Stiehle, Philol. 11 p. 201 fgr. 13). Deinde in par. quinta Posidonius laudatur, qui vulgi quasdam sententias refellit; quae pertinent usque ad verba καὶ τηρήσας τὰς δύσεις (Mueller fgr. h. III. p. 291 fgr. 97). Artemidorum quidem similia atque eos qui οἱ πολλοὶ καὶ χυδαῖοι dicuntur protulisse explicatur inde a verbis ὁ δὲ γε Ἀρτεμίδωρος seqq. de quibus Strabo cum irrisione iudicat: ὥς μὲν οὖν αὐτὸς εἶδεν sqq. Itaque de initio tantum par. quartae nobis inquirendum est, ubi de Libyae et Europae adversus occasum extremis partibus haec exstant: περατοῦται μὲν γὰρ . . . προὔχει δὲ τὰ Ἰβηρικὰ ὅσον χιλίοις καὶ πεντακοσίοις σταδίοις κατὰ τὸ λεχθὲν ἀκρωτήριον. Hispaniam mille quingentis stadiis trans Libyam adversus occidentem excedere ¹⁾, Artemidorus auctor est: quod inde colligi potest, quod in libri XVII. c. 3, 2 C. 825 (Stiehle fgr. 76) haec exstant: ἐντεῦθεν δὲ πρόπους ἔκκειται τις ὕστατος πρὸς δύσιν τῆς Μαυρουσίας αἱ Κώτεις λεγόμεναι, πλησίον δὲ καὶ πολίχριον μικρὸν ὑπὲρ τῆς θαλάττης, ὅπερ Τρίγγα καλοῦσιν οἱ βάρβαροι, Ἀγγα δ' ὁ Ἀρτεμίδωρος προσηγόρευκε, Ἐρατοσθένης δὲ Λίξον, κεῖται δ' ἀντίπορθμον τοῖς Γαδείροις. Harum rerum notitiam soli Artemidoro Strabo debere videtur. Neque enim ex ea re, quod Eratosthenes quoque laudatur, eius descriptione hoc loco Strabonem usum esse sequitur. E contrario Eratosthenis sententiam item ex Artemidori libro cognovit: quod paulo infra apparet § 8, C. 829: Ἀρτεμίδωρος δὲ Ἐρατοσθένει μὲν ἀντιλέγει διότι Λίξον τινά, φησιν πόλιν ἀντὶ Ἀγγός. Gades igitur et Lixum in eodem fere meridiano sitas esse Artemidorus tradidit. Spectemus deinde Strabonis verba III c. 2, 11 C. 148: πρὸς ὃν (Ἐρατοσθένην) Ἀρτεμίδωρος ἀντιλέγων . . . ψευδῶς λέγεσθαι φησιν . . . τὸ ἀπὸ Γαδείρων ἐπὶ τὸ ἱερὸν ἀκρωτήριον διάστημα . . ., οὐ πλείονων ὄντων ἢ χιλίων καὶ ἑπτακοσίων σταδίων. De situ vero promunturii Sacri haec comperimus II 5, 14 C. 119: δυσμικτότατον μὲν γὰρ σημεῖον τῆς οἰκουμένης τὸ τῶν Ἰβήρων ἀκρωτήριον, ὃ καλοῦσιν

¹⁾ Berger (Die Geogr. Fragment. des Eratosthen. S. 365) errore quodam ducitur, cum dicat: „Für die Länge des westlich über den Meridian der Säulen hervorragenden Teiles von Spanien nimmt Str. III C. 137 die Summe von 1500 Stadien an.“

ἱερὸν· καίται δὲ κατὰ τὴν γραμμὴν πῶς τὴν διὰ Γαδείρων τε καὶ ὀτηλῶν. Iam si secundum Artemidorum αἱ Κώτιαι aliquantulo, promunturium Sacrum vero 1700 stadiis propius quam Gades sive Lixus ad solis occasum situm est, efficitur, etiam hanc mensuram esse Artemidori: προὔχει τὰ Ἰβηρικὰ ὅσον χιλίους καὶ πεντακοσίους σταδίους. De enuntiato quod sequitur, Schwederus (Beiträge zur Krit. der Chorogr. des Kaiser Aug. S. 72) dicit: Römischen Ursprung verraten nun auch andre Angaben: τὴν προσεχῇ τοῦτοφ χώραν τῇ Λατίρῃ φωνῇ seq.: quibuscum verbis comparat ille ad Romanam originem demonstrandam Melae lib. III. 1, 7: quod non debuit, quoniam aliter Melam aliter Strabonem loca quibus 'cuneus' nomen est, animo sibi finxisse elucet. Sed omnino non est, cur horum verborum originem aliunde tractam censeamus atque ex Artemidori geographicis, unde et antecedentia et sequentia sumpta sunt, praesertim cum apud Martian. Capellam (lib. VI 611 ed. Eyssenh.) legamus: ¹⁾ 'Verum Artemidorus huic dimensionem (sc. terrae longitudini) adicit, quicquid a Gadibus procurrit. Nam per Sphenis frontem circuitu sacri promontorii ad aliud finale promontorium seqq.' Primum igitur videmus, etiam apud Artemidorum huius regionis mentionem factam esse, de qua Strabo dicit: Κούρεον, σφῆνα σημαίνειν βουλόμενοι. Deinde autem haec considerata esse existimo: Constat, iam diu priusquam Romani eo pervenerunt, populos ibi fuisse, quorum nomina similiter sonabant ac posterius nomen huic regioni a Romanis inditum 'cuneus'. Cfr. Herodot. II, 33: οἱ δὲ Κελτοὶ εἰσι ἔξω Ἡρακλείων ὀτηλίων, ὁμοῦρέουσι δὲ Κενησίοισι οἱ ἔσχατοι πρὸς δυσμέων οἰκέουσι τῶν ἐν τῇ Εὐρώπῃ κατοικημένων. Avien. Ora marit. 201: inde Cempsis adiacent populi Cynetum App. Hisp. 57 Κούρειοι Strab. III 2, 2 C. 141 oppidum: Κορίστοργις. cett.²⁾ Mihi quidem persuasum est, inter haec antiquiora nomina et recentius cunei nomen rationem quandam intercedere. Fieri potuit ³⁾, ut Romani forma illius regionis cunco haud dissimili adducerentur, ut nomina illa similiter sonantia idem valere ac cuneum existimarent. Tum

¹⁾ Stiehle, Phil. II p. 199 adn. S.

²⁾ Omnia, quae ad hanc rem spectant, locupletissime contulit Müllenhoff (Deutsch. Altertumskunde I, S. 112 und 113).

³⁾ Ukert (Alte Geogr. II, 1 p. 309 et 310).

autem apparet, graecam appellationem *σφήν*, quam Artemidorus adhibuit, oriri non potuisse nisi e latina voce 'cuneus' graece versa. Itaque nonne consentaneum est, Artemidorum, cum primum de hac regione diceret, haec fere verba fecisse: 'καὶ δὴ καὶ τὴν προσεχῇ τούτῳ χώρῳ τῇ Λατίνῃ φωνῇ καλοῦσι κούνεον, σφήνα σημαίνειν βουλόμενοι'? Nam lingua latina eum aliqua ex parte doctum esse quam maxime probatur XIV, 1, 26 C. 642 Stiehle fgr. 127. Pro certo igitur habeo, Strabonem omnia quae in par. quarta profert, ab Artemidoro petivisse.

§ 6.

1. ἡ μεσοποταμία τοῦ Ἄνα καὶ τοῦ Τάγου.

Geographus expositione de promunturio sacro ad finem perducta ineunte par. sexta ad descriptionem terrae fluvii Ana et Tago interceptae transit. Perpauca, quae de hac regione profert, concluduntur verbis: αὕτη μὲν οὖν ἡ χώρα ἐστὶ μετρίως εὐδαίμων. Statim enim sequitur inde a verbis ἡ δ' ἐφεξῆς πρὸς ἔω seqq. copiosissima Turdetaniae descriptio, quae pertinet per totum caput secundum. Tertio deinceps capite iterum initium fit a promunturio Sacro atque prima et altera par. eadem fere regio depingitur atque loco de quo nunc dicimus. Iam primum quidem spectemus, quae utroque loco Strabo de eisdem rebus dicat: c. 1. § 6: φέρεται δ' ἀπὸ τῶν ἐφ' ὧν μερῶν ἐκάτερος, ἀλλ' ὁ μὲν ἐπ' εὐθείας εἰς τὴν ἐσπέραν ἐκδίδωσι πολὺ μείζων ὢν θατέρου, ὁ δὲ Ἄνας πρὸς νότον ἐπιστρέφει cfr. c. 3, 1 C. 152 ῥεῖ δ' (ὁ Τάγος) ἔχων τὰς ἀρχὰς ἐκ Κελτιβήρων διὰ θειτῶνων καὶ Καρπητανῶν καὶ Αὐσιτανῶν ἐπὶ δύσιν ἰσημερινήν, μέχρι ποσοῦ παράλληλος ὢν τῷ τε Ἄνᾳ καὶ τῷ Βαίτι, μετὰ δὲ ταῦτα ἀγιστάμενος ἐκείνων ἀποκλινόντων πρὸς τὴν νότιον παραλίαν. Deinde ea quae breviter dicuntur verbis c. 1. § 6: ἐν δὲ τοῖς ἄνω μέρεσι καὶ Καρπητανοὶ καὶ Ὠρητανοὶ καὶ θειτῶνων συχροὶ νέμονται, copiosius et accuratius exstant in c. 3, 2. C. 152: οἱ δ' ὑπερχεόμενοι seqq. Nihil autem in hac sexta par. invenimus de ora maritima huius regionis, quae c. 3, 1 depingitur. Hic contra incolarum mentio fit: ἦν Κελτιβοὶ νέμονται τὸ πλεον . . ὑπὸ Ῥωμαίων: de qua re illic tacetur. Iam non est dubium, quin c. 3, 1. C. 151/52

periplus orae maritimae descriptioni subsit. Quid autem de hoc loco statuendum est? Num censeamus, de hac fluvii Ana et Tago intercepta regione geographum quendam separatim verba fecisse, sic ut hoc loco Strabo, eiusque chorographiam hic adhibitam esse? Minime. Apparet enim e descriptione quae sequitur, copiosas Straboni praesto fuisse expositiones et narrationes de Baetica vel Turdetania, quae Ana fluvio ab eo finitur, et de Lusitania, quam etsi recentiorum Romanorum divisionem Hispaniae cognovit (c. 4, 20. C. 166), tamen secundum priorum temporum auctores Tago adversus meridiem contineri statuit (c. 3, 3. C. 152). Ea autem regio, quae inter hos fluvios sita est, propria descriptione nimirum carebat, quoniam ne populus quidem clarior eam incolebat. A septentrione enim Lusitani invaserunt et ibi consederunt (c. 1, 6. *Ἀντίταροι μετακισθέρτες* c. 3, 5. C. 154), partes vero huius regionis ad orientem et meridiem vergentes Turdetaniae accensebantur (c. 2, 1 C. 141). Iam videmus Strabonem ipsum huius separationis auctorem esse eo consilio factae, ut tres certas partes in descriptione efficeret: 1. *Ἀντίταρις* 2. *Μεσopotαμία τοῦ Ἀνα καὶ τοῦ Τάγου* 3. *ἡ Τυρρητανία*. Quod consilium valde laudabile inepte perfecit. Nam materiem quae de hac regione partim in periplo partim apud alios auctores ei praesto fuit, secundum hanc terrarum divisionem disponere et explicare nullo modo studuit. Oppida enim quae sunt in hac terra, Conistorgis et Paxaugusta commemorantur in Turdetaniae descriptione (c. 2, 15 C. 151, c. 2, 2 C. 141). Nec ora maritima vero, quae pertinet ab Ana ostio ad Tagum, uno tenore depingitur (c. 1, 9 C. 140, c. 3, 1 C. 151). Iam nusquam in sequente descriptione animadvertere vel sentire potes illam mesopotamiam proprie tractatam esse. Perpauca vero quae in hanc a se ipso institutam descriptionem e fontibus contulit, postea ubi in peripli cursu ad easdem regiones iterum accedit, plane denuo profert, quasi nondum eadem tractaverit: de fluvii Ana et Tago: c. 1, 6: *γίνεται δ' ἀπὸ . . . ἐπιστρέφων* cfr. c. 3, 1 C. 152 *ὅτι δ' ἔχον* eest., de incolis superiorum partium: c. 1, 6 *ἐν δὲ τοῖς ἄνω . . . ῥήματα* cfr. c. 3, 2 C. 152: quos locos supra comparavimus.¹⁾ Unum est, quod Strabo hoc

¹⁾ De harum rerum origine nunc non quaerimus, quoniam postea eadem in peripli conexu occurrent.

loco solo commemorat: ἦν Κελτικοὶ νέμοιται τὸ πλεόν καὶ τῶν Λούσιτανῶν τινες ἐκ τῆς περάδας τοῦ Τάγου μετοιχισθέντες ἐπὶ Ρωμαίων: quod e Polybii narratione depromptum esse mihi videtur. De Celticis enim ille c. 2, 15 C. 151 laudatur: τῇ δὲ τῆς χώρας ἐνδαιμονία καὶ τὸ ἡμέρον . . . συνηζολούθησε τοῖς Τουρδιτανοῖς καὶ τοῖς Κελτικοῖς δὲ διὰ τὴν γαιτρίαν, ὥς δ' εἴρηται Πολύβιος διὰ τὴν συγγένειαν. De Lusitanis vero partim in oppositam Tagi ripam a Romanis translatis conferendi sunt nonnulli loci, ubi Strabo de rebus a Bruto Gallaeo gestis verba facit: c. 3, 1 C. 152: ταύτῃ δὲ τῇ πόλει . . . τῶν ἐπιτηδείων. c. 3, 2 C. 152: διὸ καὶ δυσμαχώτατοι . . . ἐπωνυμίαν. c. 3, 4 C. 153 extr. τῆς μὲν οὖν Βρούτου στρατείας . . . οὕτως. c. 3, 5 C. 154: ἐνδαίμονος δὲ τῆς . . . usque ad finem paragr. Quos locos ea de causa sub unum conspectum redegī, quia apparet et omnes ad illam Bruti Gallaei expeditionem spectare et nullum indidem petatum esse, unde chorographia, cui insertus sit. Nam luce clarius est ea quae c. 3, 1, 152 exstant (ταύτῃ δὲ τῇ πόλει seqq.), e libro quodam, qui de bello cum Lusitanis gesto scriptus erat, excerpta esse, neque concinere cum peripli ratione describendi, quae est in proximis verbis. Item res se habet c. 3, 2 C. 152 (διὸ καὶ . . .) et c. 3, 4 C. 153 (τῆς μὲν οὖν Βρούτου . . .) Ultimo autem quem attulimus loco c. 3, 5 C. 154 de calamitate agitur, qua affecta est Lusitania bellis diuturnis. Quae cum ita sint, aptissimum videtur, una hos locos tractare ad communem eorum autorem investigandum. Ille autem mea quidem sententia Polybius est, quem de his rebus rettulisse consentaneum est in libro de bello Numantino scripto. Nam illa bella eodem fere tempore gesta sunt, atque Numantinorum motus ex his Lusitanorum bellis ortus est (App. Hisp. 76). Strabonis vero de his rebus narrationes a Polybio petitas esse e loco ultimo, quem attuli, (c. 3, 5 C. 154) elucere mihi videtur: quibus verbis ea continentur, quae Strabo in universum de Lusitaniae statu habituque profert. Strabo vero cum depingit statum, in quem haec terra bellis latrociniisque diuturnis delapsa est, atque priorum temporum res Lusitaniae florentissimas indicat. Iam hanc genuinam eius felicitatem copiose Polybius exposuit (ed. Hultsch XXXIV 8, 4 p. 1306.) Quam ob rem, cum consentaneum sit,

hunc scriptorem in bello Numantino describendo recordatum, quae antea dixisset, Lusitaniae res mutatas significasse, ei potissimum tribuam hanc de Lusitania expositionem, quae neque ad priora neque ad Strabonis ipsius tempora quadrat (c. 3, 8. c. 156 ἀλλὰ πῦρ πίπταντα πολυμοῦντα πύρτα). Redeamus nunc, unde digressi sumus, ad verba c. 1, 6 ἢν Κιλιζοὶ ῥήματα τὸ πλῖον καὶ τῶν Λουιτανῶν τινεὶ μετακισθέντις ἐπὶ Πομφηλῶν: quae cum aperte respondeant verbis c. 3, 5 C. 154: ἰρίας δὲ καὶ ὀρροκίζοντις βέλτιον, eandem atque illa produnt originem, quam esse ex Polybii descriptione repetendam probare conatus sum. Post hanc incolarum mentionem de tota regione dicit Strabo: αὕτη μὲν οὖν ἡ χώρα ἐστὶ μετρίως ἐνδαίμων: quae verba Strabonis ipsius ingenio deberi mihi videntur eo consilio addita, ut ad sequentia transeatur.

2. De Baeticae nominibus incolis finibus.

Iam incipit Turdetaniae descriptio, cuius divitem cultum et ubertatem Strabo item atque ceteri summopere laudat. In sequente parte paragr. h. Artemidoro et Polybio usus est. Ac primum quidem ea, quae de fluvii Baeti Ana Tago dicuntur, Artemidoro deberi apparebit c. 3, 1 C. 152 (ὅτι δ' ἔχον τὰς ἀρχὰς . .), ubi de fluvii eadem fere exstare iam commemoravimus: ille enim explicatur orae maritimae descriptio, quam ex Artemidori periplo haustam me demonstraturum esse spero. Deinde de nomine huius terrae dicit: καλοῦσι δ' ἀπὸ μὲν τοῦ ποταμοῦ Βαυτιχίην, ἀπὸ δὲ τῶν ἐνοικοῦντων Τουρθητάρια. Polybius quidem quod sciamus non usus est nomine Baeticae. Quod vero apud Artemidorum hoc nomen non occurrit, inde sane non sequitur, revera apud eum id non fuisse, cum perpaucis eius fragmenta servata sint. Sed quoniam apud Stephanum s. v. Τουρθητάρια primum accurate refertur, quae nomina Strabo huic terrae dederit, et subsequuntur verba: Ἀρτιμίδωρος δὲ Τουρτετάρια αὕτην καλεῖ καὶ Τούρτον: τοὺς οἰκίστορας καὶ Τουρτεττανούς, equidem non dubitaverim, quin nullum aliud nomen Artemidorus adhibuerit. Praeterea etiam Cato ap. Charis. II p. 190 hanc terram Turtam vocat. Quibus rebus verisimile fit, Baeticam esse recentiore appellationem, cuius notitiam Strabonem certo cuidam auctori non

debere consentaneum est. Tum incolas dicit nominari *Τουρδοηγετρούς* et *Τουρδοδούλους*, quos esse eosdem alii dicant alii negent: in quibus etiam Polybium esse. Suo autem tempore omnino nullum discrimen apparere. Valde dolendum est, quod ea, quae apud Stephanum s. v. *Τουρδοηγετρία* ex Artemidori periplo de hac re afferuntur, nimis ambigua sunt, quam ut per se appareat, utrum Artemidorus populos illos distinxerit neene. Siquidem Stephanum s. v. *Ἀρετριίδες* spectamus: *οἱ ῥησιῶται Ἀρετριίδες καὶ Ἀρετριῶται*, fortasse ex hoc Stephani usu dicendi colligi potest, etiam hoc loco formas modo nominum diversas intelligendas esse. Tum certe, si res ita est, videmus, ad Artemidorum spectare haec verba: *οἱ μὲν τοὺς αὐτοὺς ρομίζοντες*. Sed fateor pro certo de hac re iudicare me non posse. Utique, adiecit Strabo, diversitatem¹⁾ suo tempore non apparere: quod ab hominibus ibi versatis comperisse videtur. In sequentibus iam verbis Turdulorum eruditio atque doctrina, quae ceteros Hispaniae incolas longe superet, laudibus effertur. Haec a Polybio Strabonem didicisse mihi probatur loco qui exstat c. 2, 15 C. 151 *Τῇ δὲ τῆς χώρας εὐδαμονίᾳ καὶ τὸ ἡμέρον καὶ τὸ πολιτικὸν συνεργοῦσθαι τοῖς Τουρδοηγετροῖς . . ὥς δ' εἴρηξε Πολύβιος . .* Bene enim convenit, quod iis, qui vitam civilem agere dicuntur, *ρόμοι ἐμμετροὶ* et *συνεργόμαται* τῆς *παλαιᾶς μνήμης* tribuantur. Sed aperte etiam Artemidoro h. l. usus est, quem videmus ap. Steph. s. v. *Ἰβηρία* de literaturae usu apud Hispaniae incolas haec proferre: *ρομματορικῇ δὲ χρῶνται τῇ τῶν Ἰταλῶν οἱ παρὰ θάλατταν οἰκοῦντες τῶν Ἰβήρων*: quibus verbis respondent ea, quae deinceps apud Strabonem sequuntur: *καὶ οἱ ἄλλοι Ἰβηρίας χρῶνται ρομματορικῇ, οὐ μὲν δ' ἰδέει· οὐδὲ γὰρ γλώττη μὲν*.

In extrema denique parte h. par. fines Turdetaniae designantur: *τείνει δ' ἡ χώρα πτλ.*: quae verba per se nullius sunt pretii. cum h. l. geographus quae apud auctorem exstent, excerptat, deinde c. 2, 1, C. 141 ea integra proferat: quod primo obtutu intellegitur, cum verba hic et illic scripta comparas: *τεί-*

¹⁾ Brevi commemorare h. l. mihi liceat Sieglinum (diss. Lips. 1878 p. 25) in libro quem de tempore Sagunti expugnationis scripsit, minus recte dicere . . Turdetaner, ein nördlicher Stamm von ihnen Tarduli.

να δὲ ἡ χώρα αὐτῇ ἢ ἐντὸς τοῦ Ἄρα — c. 2, 1: ἀγορεύει δὲ
 αὐτῇρ πρὸς μὲν τῇρ ἐσπίρῃ καὶ ἄρξιον ὁ Ἄρα ποταμός
 c. 1, 6: πρὸς ἔσω μὲν μέχρι τῆς Ἰσθητίας — c. 2, 1: πρὸς δὲ
 τῇρ ἔσω Κερκυραίων τ' ἵππας καὶ Ἰσθητιοὶ c. 1, 6: πρὸς νότον
 δὲ μέχρι τῆς παραλίας τῆς ἐπὶ τῶν ἐξβολῶν τοῦ Ἄρα μέχρι
 στηλῶν — c. 2, 1: πρὸς νότον δὲ Βασίτηταιν οἱ μεταξὺ
 τῆς Κάλπης καὶ τῶν Γεδυίων σπερὴν τιμώμενοι παραλίαν,
 καὶ ἡ ἐξῆς θάλασσα μέχρι Ἄρα, καὶ οἱ Βασίτηταιν δὲ οὖν
 εἶπον τῇ Τονροδηταίῃ πρόσκεινται . . . Quae rentibus nobis,
 quatenam sit causa huius negligentiae et quam ob rem Strabo
 bis Turdetaniae descriptionem a finium designatione incipiat, id
 respiciendum est, quod iam per totam h. par. observavimus.
 Strabonem enim vidimus in hac p. non unum imprimis auctorem
 sequi, sed ad descriptionis institutionem a se ipso factam alia
 aliunde petere. Simul autem apparuit, quam non Strabo in hac
 quidem parte studuisset vel potuisset, suum rerum depingen-
 darum ordinem tenere et quae apud alios auctores aliis locis
 invenisset, ex suo consilio disponere. Sic primum quidem in h.
 p. libere ac suo iudicio testimoniis scriptorum uti conatur.
 Deinde vero gradatim auctores secutus eadem, quae iam ex-
 cerpta protulit, iterum magis ad verbum reddit. Jam in sequen-
 tibus paragraphis orae maritimae descriptio exstat, cui periplum
 quendam subesse perspicuum erit. Strabo enim, quamquam
 Turdetaniae oram descripturus est, non subsistit in Anae ostio,
 qui huius terrae finis est, sed continuat descriptionem usque
 ad promunturium Sacrum (c. 1, 9. C. 140 extr.) Is quidem, qui
 non terras mediterraneas primario loco describendas sibi pro-
 ponit, sicut Strabo in h. par. instituit, sed periplum imprimis
 scribit, rectissime a Calpe usque ad promunturium Sacrum uno
 cursu tendit et tunc addit quatenam terra supra hanc orae
 partem sita sit: quod idem faciens Strabo peripli autorem omni
 parte secutus plane obliviscitur, se eadem iam in alia rerum
 dispositione tractasse. Quae cum ita sint, hanc extremam par.
 sextae partem peripli auctori deberi elucet, quem esse Artemi-
 dorum probare conabor. Haec fere habui, quae de sextae par.
 fontibus dicerem: in quorum indagatione etsi longus fui tamen
 fortasse non inutiliter quaestionem extendi, cum in hac parte
 optime qua ratione Strabo fontibus utatur, cognosci possit

Omnia autem, quae in h. p. proferuntur, e Polybii et Artemidori scriptis petita sunt.

II.

De ora maritima Hispaniae.

c. 1, 7—9, C. 140. c. 3, 1—5, C. 151—153. c. 4, 1—9, C. 156—160.

Geographus noster c. 1, 7 ad accuratiorem Turdetaniae descriptionem transit ac primum quidem oram maritimam huius terrae depingit c. 1, 7—9. Commemoravimus iam, orae maritimae descriptionem a Strabone peripli auctorem quendam secuto partibus mediterraneis non subiei, sed e contrario primum tenere locum. Eadem ratio per totam Hispaniae descriptionem observatur. Quattuor enim sunt termini, qui totius orae cursum flexumque constituunt c. 1, 3, C. 137: καὶ δὴ τὸ μὲν ἑσθὸν καὶ λ.: Galliae Hispaniaeque in Pyrenaeo monte confinia sive Pompei tropaea. Herculis columnae, promunturium Sacrum. promunturium Artabrum. Item quattuor exstant peripli partes, quae hoc ordine describuntur: primum ora maritima, quae est a Calpe monte ad prom. Sacrum. c. 1, 7—9 depingitur, deinde de ea, quae pertinet inde usque ad finale promunturium quod Artabrum vocatur, agitur c. 3, 1—5. C. 151 seqq. usque ad verba § 5 ineunt: ἡ καὶ τῆς ἑσπερίου πλευρᾶς καὶ τῆς βορείου πέρας ἔστί, etsi in hac quidem parte non ita integram ubique describendi rationem invenimus quae in periplis adhibetur. Tum maris interni oram Strabo depingit c. 4, 1—9, C. 156—160. De quarta denique orae maritimae parte a promunturio Artabro usque ad Pyrenaei montis fines septentrionales accuratiora non profert. Quoniam igitur ora maritima suam habet expositionem. haud ineptum esse videbitur, una et conjunctim de auctoribus, quibus in hac descriptionis parte Strabo usus sit, inquirere, praesertim cum suspicari et animadvertere liceat, unum quendam periplus per totam oram primum esse descriptionis fontem. Quaestionem vero sic instituimus, ut primum quidem in parte aliqua descriptionis periplus continuum aperire et restituere conemur omnibus remotis quae aliunde petita et addita esse cognoscamus, simulque

harum rerum origines ostendentes, deinde hac parte detecta monstremus quis peripli auctor sit, tum hac notitia instructi ad reliquam orae maritimae descriptionem perlustrandam accedamus. Ea autem, quae de orae sive totius Hispaniae mensuris aliunde ad hunc periplum adiciuntur, in praesentia quidem sciungenda modo sunt, quia quosnam autores in Hispania dimetienda Strabo adhibuerit, item propriam et unam esse quaestionem apparebit.

A.

Exordiamur igitur a. c. 1, 7, C. 139.

§ 7.

Periplus a monte Calpe incipiens tendit ad oppidum Carteiam. Postremum deinde huius par. enuntiatur (*ἔρτοι δὲ καὶ*) originem aliunde atque ea quae antecedunt, trahere Strabo ipse indicat. Deinde in

§ 8.

post oppidum Mellariam Belonem navigantes advenimus. Hinc inquit, maxime Tingin Mauretaniae traicitur. Iam sequuntur verba: *ἦρ δὲ καὶ Ζήλις τῆς Τίγγρος ἀστυγείτων, ἀλλὰ μετ' αὐτῆς καὶ τῆς περὶ αὐτὴν Πομαῖοι καὶ ὀνόμαζον Ἰουλίαν τοῦτον*. Facile intellegitur, his verbis tenorem peripli interrumpi, cum in eo oppidum quod vocatur Julia Joza sic commemorari oporteret, ut eluceret inter quae loca vel oppida illud situm esset: quod e Strabonis verbis non apparet. Deinde vero cum nulla dubitatio sit, quin hoc oppidum idem sit atque Transdueta Ptolemaei (II 4, 6) quae inter Carteiam et Mellariam sita est, eo magis apparet, haec verba in periplum iniecta esse, quoniam descriptio iam ad Belonem Huium proposita aliquantum resilit. Quid autem fuit causae, cur Strabo mirum in modum, quasi Mauretaniam describeret, per occasionem tantum oppidi Zelis de hac Hispaniae urbe verba faceret? Equidem censeo, in periplot haec verba fuisse: *ἐρτιῶθαι οἱ διέπλοι μάλιστα εἰς τὴν Τίγγιν καὶ Ζήλιν τῆς Μαυρονείας*: quae verba Strabo sic reddere non potuit quia compertum habuit, oppidum Zelin in Mauretania iam non esse, sed nomine Juliae Jozae in oppositam ripam translatum. Qua re factum est, ut Strabo per

occasionem oppidi Zelis de hac re nonnulla proferret. Deinde ad insulam Gades pervenimus. In periplo de hac insula nihil dictum esse nisi hoc: *διέχουσα τῇ Κάλπῃ πρὸ ἑπταχοσίου καὶ πεντήχοντα σταδίων* e verbis sequentibus concludi potest: *ἵσται δ' αὖτις ἡ νῆσος τεῖλλα μὲν οὐδὲν διαφέρουσα τῶν ἄλλων* *στλ.* Revera enim permulta sunt, quae infra de hac insula commemoratione digna habet atque copiose explicat compluribus auctoribus usus. Verba autem: *οἱ δὲ ὀπταχοσίους φασίν* originem aliunde tractam aperte ostendunt, de qua secundum institutionem huius quaestionis nunc non disserendum est. Sequuntur deinde in

§ 9.

Menesthei portus et aestuaria ad Astam et Nabrissam. Utrum etiam ea verba, quibus vox *ἀνέχουσα* explicatur, periplo tribuenda sint neque, dubitari potest. Brevitas quidem horum verborum valde in rationem peripli quadrat. Sed c. 2, 4 C. 142/43 Strabo iterum et multo copiosius de natura aestuariorum explicationem aperte e Posidonii libro, qui *περὶ Ὠκεανοῦ* scriptus erat, petitam profert neque negari potest, haec verba explicationis causa ab ipso addita esse. Sequitur insula Bactis ostiis intercepta, de cuius longitudine iterum alium quendam auctorem adhibuit: *ὥς δ' ἔνιοι καὶ πλείονον σταδίων*. Tum inde a verbis *ἐνταῦθα δέ πορ καὶ τὸ μεντεῖον στλ.* de Menesthei oraculo et Caepionis turri dicitur. Haec e periplo illo fluxisse nego. Ratio enim verborum *ἐνταῦθα δέ πορ καὶ*, quibus haec narratio annectitur, ostendere mihi videtur, in peripli cursu nihil de his rebus dictum esse, sed aliunde haec petita: qua sententia explicatur, cur geographus noster pro certa loci definitione ambiguis verbis *ἐνταῦθα δέ πορ καὶ . . .* utatur. Ad quem vero scriptorem haec verba revocanda sint, equidem pro certo dicere nequeo. Hoc certe firmo argumento prorsus caret, quod Schwederus (Beiträge zur Kritik der Chorogr. des Kais. Aug. p. 72) asseverat, verba illa aperte Romano auctori accepta referri. Nam per se etiam a Polybio vel Artemidoro vel Posidonio traditae esse possunt illae res. Equidem haec Posidonio potissimum tribuam quem in libro de oceano scripto complura de Hispaniae ora dixisse videmus c. 3, 3, C. 153.: quod, nisi cui hoc nimis artificiosum videtur, etiam inde quo-

dammodo concludere licet: quod verba haec: *ἐπὶ πύργῳ ἀμφι-
 ζυγέστον θαλασσίῳ κατισυνασμίῳ ὅσπιν ὁ Φάρος* cum
 reliqua hujus partis dictione comparata colorem magis rhetori-
 cum habent Posidonio proprium, ut Strabo ait c. 2, 9, C. 147.
*Ποσειδώνιος . . . οὕτως ἀπείχεται τῆς ἀντήθους ῥητορείας.*¹⁾
 Iam pergit periplus a verbis *ἐντιῶθαι δ' ὁ τοῦ Βαΐτιος ἐνέ-
 πλους ἔστί*, quae apte cohaerent cum proxima peripli parte:
ἣ δ' ἀπολαμβάνουμένη νῆσος . . . ἀγορίζεται παραλίαν. Sub-
 sistit vero in verbis: *τὸ ὑπὸν ἀκρωτήριον διήκον τῶν Γα-
 δειῶν ἐλάττωρ ἢ διοχιλίῳ σταδίῳ*. Postremi tum enun-
 ciati, quo de intervallis agitur, iterum aliam originem esse nemo
 non videt.

Iam priusquam de hujus peripli auctore quaestionem in-
 stituamus, porro in orae maritimae usque ad promunturium
 Nerium pertinentis descriptione cum persequi conemur. Pergit
 ille in

c. 3, § 1, C. 150.

Verba usque ad *καὶ αὖ Τάγον ἐξβολὰ πηλοῖον* sana sunt
 justeque periplus continuant. De sequentibus autem verbis
 usque ad *τὴ πορ Αἰζζαῖα* (Meineke) omitto quaestionem, quod
 omnia quae viri docti ad locum hunc emendandum protulerunt,
 nimis incertam habent fidem. Sed utut res se habet, hoc elucere
 mihi videtur, inde a verbis *ἐντιῶθα δὲ καὶ ἀναχέσται* a Strabone
 nonnulla ex alio fonte periplus inserta esse. Is enim dilucide
 progressus est usque ad Tagi ostium, ubi subsistit orae ma-
 ritimae descriptio. Itaque quae in periplus sequuntur, de nulla
 alia re dici possunt, nisi de Tago ipso et de iis quae in Tagi
 anaplo occurrunt. Iam de eis quidem astuariis, quae in Tagi
 ripis cum mare effluit fiunt, in verbis sequentibus agitur: *δέο
 δ' ἀναχέσται ἐν τοῖς ἐπὶ καύροις πεδίῳ* . . . Ea igitur
 aestuaria, quorum unum quoddam verbis dubiae fidei (*πίεγον*)
 accuratius definitur, ubinam esse censeamus nisi in ea orae parte,
 quae est ante Tagi ostium? quae res cum peripli ordinem per-
 vertat, originem aliunde tractam ostendit. Sequentia deinde a
 verbis *ὁ δὲ Τάγος καὶ τὸ πλάτος* iterum iusta peripli ratione
 procedunt usque ad verba *καὶ ἐπὶ τὸν Μόρον δ' ἔτι μαζού-*

¹⁾ Scheppig: De Posidonio diss. Hal. 1869 p. 11.

τερος ἀνάπλους ἐστί. Quae tum de rebus a Bruto Gallaeco gesti: adiciuntur Polybio deberi jam dictum est. Post Tagi anapli descriptionem copia piscium et ostreorum laudatur. Denique de fonte et cursu ejus agitur: quae e periplo sumpta esse, probari mihi videtur ratione qua ceteri fluvii in orae maritimae descriptione commemorantur. Comparandi sunt hi loci: c. 3, 1, C. 152. ῥεῖ δ' (ὁ Τάγος) ἔχων τὰς ἀρχὰς ἐκ Κελτιβήρων . . ἐπὶ δέσιν ἰσχυμερινῇ μέγροι ποσσοῦ παρὰ ἄλληλος ὄν τῷ τῆ Ἄνα καὶ τῷ Βαίτι πτλ.

c. 3, 4, C. 153. ἡ δ' οὖν χώρα . . διαρρεῖται ποταμοῖς μεγάλοις τε καὶ μικροῖς, ἅπασιν . . παρὰ ἄλληλοις τῷ Τάγῳ.

c. 3, 4, C. 153 extr. περαιτέρω δ' εἰσὶν ἄλλοι ποταμοὶ παρὰ ἄλληλοι τοῖς λεχθεῖσιν.

c. 4, 6, C. 158 extr. ῥεῖ δ' (ὁ Σούκρων) ἐκ τοῦ συνεχοῦς ὄρους . . παρὰ ἄλληλος δέ πρὸς τῷ Ἰβηρί.

c. 4, 6, C. 159 ῥεῖ δ' ὁ Ἰβηρ ἀπὸ Καρτάβρων ἔχων τὰς ἀρχὰς . . διὰ πολλοῦ πεδίου· παρὰ ἄλληλος τοῖς Πύρηνάοις ὄρεσιν.

Videmus omnium horum fluminum cursum ita definiri et significari, ut dicatur, cuinam quisque fluvius fluvio vel monti parallelus sit: unde jure concludi posse mihi videtur, uni cui-dam auctori haec tribuenda esse atque quoniam in orae maritimae descriptione ea a Strabone proferuntur et omnino proferri debent, nescio. cui scriptori majore probabilitate ea reddamus quam peripli auctori. Quae cum ita sint, nunc quidem ea quoque non injuria eodem me reduxisse puto, quae de fluviis Baeti Ana Tago in c. 1, 6, C. 139 convenienter hujus par. verbis dicta sunt. Iam ut nunc

§ 2.

praetereamus, qua populi mediterranea tenentes enumerantur, in

§ 3.

ad Lusitaniae descriptionem accedimus. Consentaneum est, in periplo sicut antea (c. 2, 1, C. 141) in Turdetaniae ora describenda totius terrae fines accurate definiti sunt, hic Lusitaniae fines explicatos esse. Certo autem argumento infra demum demonstrabo, hanc Lusitaniae finium descriptionem e periplo fluxisse. In sequentibus verbis de Lusitaniae ambitu agitur, de qua re in alio rerum conexu disserere mihi proposui. In fine

hujus par. iterum nonnulla e Posidonii libro de oceano scripto proferuntur. Deinde in

§ 4.

periplus qui adhuc in Tagi ostio substitit continuari animadvertimus inde a verbis *προημιότατοι δὲ τῶν ποταμῶν ἰσιζή-
τῳ Τάγῳ* . . Duo nomina ὅν τινας *Λιμᾶν* et οἱ δὲ *Μιρίον
γεῶν* ad appellationes a peripli auctore traditas aliunde ad-
iciuntur: de quibus postea videbimus. Deinde Posidonii sen-
tentia de Baenis fonte refertur. Neque dubito¹⁾ quin etiam
sequentia usque ad *ἐπιτολᾶν ἰν τοῖς πιδίον* eidem debeantur,
quoniam in libro de oceano scripto aptissime haec exponuntur.
Tum Strabo postquam de Bruti expeditione usque eo progressa
breviter dixit, pergit: *πρυτὶς δ' ἰσὺν ἄλλοι ποταμοὶ πα-
ράλληλοι τοῖς λιθιῶν*. Verisimile est, in periplus hoc paulo
accuratius expositum esse. Concedo in hac parte non ita
firma esse peripli vestigia atque a Posidonio magna ex parte
descriptionem petitam esse. Attamen si consideramus ubique
anaplos commemorari: *ἔχονσι δὲ καὶ ἀνάπλων οἱ πλῆν* . . .
Μοῦρδας ἀνάπλων ἔχον μικροῦς . . . *Οὐέζων οὐαῖες* . . .
Δούριος μεγάλους ἀναπλιόμενος ἀνάπλων . . . *Βαῖνις ἐπ'
ὀρεζοσίον ἀναπλιόμενος σταθίων* negari non potest, oram
maritimam primario loco de pingi. A. Posidonio vero imprimis
descriptionem non petitam esse, apparet ex eo quod hujus sen-
tentia de Baenis ostio diserte opponitur antecedentibus verbis,
quae arte inter se cohaerent: *Δούριος ῥέων παρὰ Κελτιβήρων
καὶ Οὐαζέων κατορίας* . . . καὶ οὗτος δ' ἐκ *Κελτιβήρων
καὶ Οὐαζέων ῥιὶ καὶ ὁ μετ' αὐτὸν Βαῖνις*. Itaque pe-
ripli scriptorem etiam hic esse primum Strabonis auctorem
censeo. Iam statim insequitur in § 5. peripli finis: *ῥέονται δ'
οἰζοῦν Ἰσπεθροὶ πρὸ τῆς ἄρκου ἢ καλεῖται Νέριον, ἢ
καὶ τῆς ὑπερίον πλεονῶς καὶ τῆς βορείον πέρας ἐστί.*

Accedit vero alia res, quam maximi momenti esse existimo.
Perlustravimus enim periplus qui a Calpe incipiens usque ad
Artabrum promunturium provectus est: qua cum descriptione
etiam naediterraneorum populorum, qui post gentes orae mariti-
mae adjacentes habitant, pressa enumeratio conjuncta esse mihi

¹⁾ Muellerum sequor (lgr. h. gr. III. p. 295. lgr. 98).

videtur. Specto illa verba, quae apud Strabonem Lusitaniae descriptionem proxime antecedunt:

c. 3, 2 C. 152.

οἱ δὲ ὑπερζεῖμεροι τῶν λεχθέντων ὄρεων (codd.) *στλ.* Cum enim pauca illa verba, quae Strabo de rebus a Gallaeis et Bruto cognomine Gallaeo gestis inserit: *διὸ καὶ δυσμαχέστεροι . . . παρεσσεύασαν.*, secernimus, brevissimam habemus enumerationem omnium gentium, quae in interiore Hispania ad occasum vergente ab australi ora usque ad oceanum septentrionalem alicujus momenti sunt. Suo jure viri docti gravissime in his verbis offenderunt. Ac primum quidem nemo intelligit, quinam sint illi „dicti montes“. Frustra enim quaeras in descriptione quae antecedit, montium quorundam mentionem, nisi forte hoc loco spectentur illi montes, quos Strabo commemoravit c. 2, 3 C. 142.: *παράλληλοι δὲ τῶν ὄρεων παρατείνουσι τῷ ποταμῷ* (sc. *Βαίτι*) . . . *πλήρεις* et *ὑπέρεται* δὲ *καὶ τούτου μεταλλείας ἔχοντα ὄρη* . . . *Τύγον*. Atque hos montes revera intelligendos esse censuit Casaubonus (Strab. ed. Siebenkees et Tzschucke Tom VII. p. 652 sive ed. Almelov. I. p. 227) atque nuper cum illo fecit C. Muellerus (Str. ed. Muell. p. 955 ad p. 126, 22.) Sed etiamsi cum Groskurdio (observatt. critic. in Strabon. Iberiam p. 111) verba de quibus disputamus, errore quodam in hunc locum translata esse, principio autem proxime post illa verba: *ὑπέρεται δὲ καὶ τούτου* (c. 2, 3, C. 142) fuisse existimemus, ne tamen quidem satis liquet haec mira gentium enumeratio. Neque enim consentaneum neque aptum est, omnes populos, qui tenent mediterranea inde ab ora maris interni usque ad oram septentrionalem, in Turdetaniae descriptione post montium a Baeti usque ad Tagum pertinentium commemorationem quasi per occasionem commemorare, neque omnino recte dicitur gentes has trans montes illos habitare. Equidem trans quos montes Hispaniae has gentes habitare dicere liceat, prorsus ignoro. Quam ob rem Brequigny conjectura *ποταμῶν* omissa Meinekio assentior, qui pro *ὄρεων* scribi vult *μαρῶν* („Vindic. Strabon. liber“ p. 26). Sed apparet hac emendatione totam rem nondum difficultate omni liberatam esse. Nam jure offensioni fuit Groskurdio, quod Strabo, postquam oram

maritimam usque ad Tagum descripsit. interiorum regionum populos nullo facto transitu breviter tangit, tumque iterum ad Tagi ostium resiliens Lusitaniae descriptionem subjungit. Iam nos quidem, cum in Strabonis orae maritimae descriptione periplum continuum invenerimus, facile intelligimus, quid haec verba sibi velint et unde orta sint. Ut enim jam diximus, in periplo post orae descriptionem eodem dicendi genere et colore arcuta esse videtur enumeratio populorum, qui in hoc ad occasum vergente latere Hispaniae mediterranea tenent et ideo recte dicuntur οἱ ἐπιτορζιμένοι τῶν λιχθέρτων μυχῶν. Atque luce clarius est, post Lusitaniae descriptionem demum apte hos populos enumerari, quia tum post totius a Calpe usque ad Nerium promontorium pertinentis orae descriptionem jure uno tenore de omnibus populis interiora tenentibus dicitur. Sed si quid video, jam peripli auctor justum expositionis ordinem pervertit neque temere hoc fecit. Apparet enim in Lusitaniae finium descriptione magnam partem horum populorum enumerandam esse et revera enumerari (c. 3, 3, C. 152). Iam sentimus valde languidum esse, postquam hi populi in Lusitania determinanda secundario loco jam enumerati sint, tum demum de iis ipsis denuo et primario loco verba facere. Deinde vero recordari oportet, Strabonem bis descriptione eodem provecta hos populos mediterranea tenentes enumerare. Vidimus enim etiam in c. 1, 6 ineunt. C. 139, ubi eadem fere regio depingitur atque hoc loco (c. 3, 1) mentionem fieri gentium interiorum: ἐν δὲ τοῖς ἄνω μυχῶσι πτλ. Quanam sit differentia inter hos locos, jam demonstravimus. Illic Strabo nova atque propria ratione descriptionem instituens excerpsit tantum ea quae de interioribus populis in periplo fuerunt, terrae Tago et Ana interceptae rationem habens. Illic peripli institutionem tenens cum eodem pervenerit, iterum harum gentium enumerationem eamque pleniorē profert: Quas res mihi perpendenti probatur, peripli auctorem hanc gentium enumerationem eodem descriptionis loco atque Strabonem inseruisse. Adicere mihi liceat fidem Meinekii conjecturae οἱ δὲ ἐπιτορζιμένοι τῶν λιχθέρτων μυχῶν valde augeri ea re quod Strabo priore loco, qui huic respondet, dicit ἐν δὲ τοῖς ἄνω μυχῶσιν (c. 1, 6). Simul autem nunc elucet ea quae Strabo de Lusitaniae finibus dixit, ab eodem auctore repetita esse atque hanc populorum

enumerationem, cum in par. tertia hujus cap. (Cas. 152) idem ordo harum gentium iterum occurrat: τὸ δ' ἐωθινὸν οἱ τε Καρπηταροὶ καὶ οἱ Οὐέπτωρες καὶ Οὐαζκαῖοι καὶ Καλλαικοί = § 2.: Καρπηταροὶ δὲ . . . εἶτα Οὐέπτωρες καὶ Οὐαζκαῖοι . . . Καλλαικοὶ δ' ἔσονται: quare hanc Lusitaniae determinationem e periplo petitam esse mihi videor supra jure asseverasse.

B.

Sequitur, ut exquiramus, quisnam illius peripli auctor sit: quod nunc quidem, postquam per totam orae occidentalis descriptionem ejus vestigia persecuti sumus, satis firmis argumentis fieri potest. Atque hunc esse Artemidorum Ephesium vix cuiquam praeter opinionem dicetur. Haec autem sunt, quibus Artemidorum auctorem esse certo demonstretur. Ac primum quidem spectemus verba, quae exstant in c. 1, 8 C. 140.: ἦν δὲ καὶ Ζῆλις τῆς Τίγγιος ἀστυγείτων πτλ. In priore hujus quaestionis parte causas jam attuli, cur existimare oporteat, in periplo haec fere fuisse: ἐντεῦθεν οἱ διάπλοι μάλιστα εἶσιν εἰς Τίγγιν καὶ Ζῆλιν τῆς Μαυρουσίας. Iam si apud Strabonem Mauretaniae descriptionem inspiciamus, haec invenimus de illis oppidis: lib. XVII c. 3, 6 C. 827: εἰς δὲ τὴν ἐντὸς θάλατταν πλέουσιν ἀπὸ Λυγγὸς πόλεις ἐστὶ Ζῆλις καὶ Τίγγις (codd. Τίγες). Videmus Strabonem hoc loco nihil dicere de Zeli oppido in oppositam ripam translato: quod variis de causis factum esse potest. Certo hoc apparet, auctorem, quo in Mauretaniae ora describenda geographus noster usus est, idem de Zeli oppido in Mauretania integro tradidisse atque peripli Hispaniae scriptorem. Iam in initio peripli orae Maurae Artemidorus laudatur (c. 3, 2, C. 825) et in ipsa sexta par. (C. 827 extr.) aliquid inest, quod Artemidorum harum rerum esse autorem probet: . . . καὶ τὸ ἐπερξείμερον ὄρος ὄνομα Ἀβίλῃ . . . καὶ Μεταγώνιον τόπος ἄνδρος καὶ λυπρός . . . efr. III., 5, 5, C. 170 Ἀρτεμίδωρος δὲ τὴν μὲν τῆς Ἰβρίας νῆσον καὶ ἐκτὸν λίγυι αὐτῆς, ἄλλῃ δ' οὐ γῆσιν εἶναι τινα, οὐ δ' Ἀβίλιντα ὄρος οὐδὲ Μεταγώνιον ἔθνος: quae Artemidorus dixit contra Eratosthenis sententiam in proximis verbis expositam: ἐρτοὶ δὲ στήλεις ἐπέλεβον τὴν Κέλτην καὶ τὴν Ἀβίλιντα, ὃ γῆσιν Ἐρατοσθένης ἐν τῷ Μεταγονίῳ, Νομεδιζῷ ἔθρει, ἰδοῦσθαι.

Nunc e XVII 3, 6 C. 827 videmus, quid causae sit, cur Artemidorus vituperet Eratosthenem dicentem III. 5, 5 *Μεταγώνιον ἔθροζ* et *Ἀβίλινζα ὄρος*. Neque enim plane negat Artemidorus locutus οὐδ' *Ἀβίλινζα ὄρος* οὐδὲ *Μεταγώνιον ἔθροζ*, exstare quoddam Metagonium et montem quendam, quem *Ἀβίλινζα* Eratosthenes nominet. Sed in eo offendit ille, quod et *Μεταγώνιον* esse *ἔθροζ* Eratosthenes dicat nesciens illud esse *τόπος ἄνδρος* καὶ *λεπτόρ* et nomen proferat *Ἀβίλινζα* pro vero *Ἀβίλιν*. Quae Artemidori censura in Eratosthenem facta de nominibus *Ἀβίλιν* et *Ἀβίλινξ* non minus est pusilla quam quod vituperat ille Eratosthenem propter urbis appellationem *Ἄξος* pro *Ἀόγξ*: XVII. 3, 2 C. 825 et 3, 8 C. 829. Artemidorus igitur, ut redeamus ad rem propositam, tradidit Zelim et Tingim in Mauretania vicina oppida esse: quod idem in periplo dictum esse demonstravimus. Translationem autem illius Mauretaniae oppidi, quam Strabo III. 1, 8 C. 140 intelligit, ante Augusti imperium factam non esse, demonstrant verba Plinii (Nat. hist. V. 1, 1.) quamvis corrupta et confusa: quae res item ad Artemidorum peripli auctorem quadrat. Deinde in extrema¹⁾ jam parte peripli spectemus verba: *εἰτ' ἄλλοι ποταμοὶ · καὶ μετὰ τούτους ὁ τῆς Αἰθιοπίας ὄρ τινας Αἰμαίον, οἱ δὲ Βελιτώνες καλοῦσι*. Verba *ὄρ τινας Αἰμαίον* inter periplum interposita esse, supra dictum est. Conferamus nunc quae Stephanus s. v. *Βελιταροί* profert: *οἱ αὐτοὶ τοῖς Ἀνδοιταροῖς, ὥς Ἀρτιμίδειος ἐν τρίτῳ γεωγραφικῶν*. De cuius loci fide dubitat Ukertus (Alte Geogr. II, 1. p. 322 adn. 87) sed quo jure dubitet non perspexi. Iam cum nomen fluvii *Βελιόν* per Lusitaniam fluentis non inveniatur nisi hoc Strabonis loco neque Belitani usquam ab scriptore ullo praeter Artemidorum eidem atque Lusitani esse dicantur, probabile videtur, nomen *Βελιόν* indidem unde *Βελιταροί* sump- tum esse. Denique apertum Artemidori vestigium in conspectu illo mediterranearum gentium exstat: c. 3, 2 C. 152: *τῆς μὲν αὖν Ὠρηταρίας ζρετιστιένορα πόλις ἐστὶ Καστονέων καὶ Ὠρία* cfr. Steph. s. v. *Καστέλων* · *μεγίστη πόλις Ὠρηταρίας ὥς Ἀρτιμίδειος τρίτῳ γεωγραφικῶν* et s. v. *Ὠρία* . . . *Ἀρτιμίδειος ἐν δευτέρῳ γεωγραφικῶν* *ἀμφότεροι γὰρ*

¹⁾ c. 3, 4 C. 153.

φησι „ . . . *πρῶτον μὲν Ὠρητανοί, πόλεις δ' ἐν αὐτοῖς εἶσι μεγάλαι Ὀροίαι καὶ Κιστάλων.*” Accuratius quidem postea de his locis disputaturus sum. Nunc Artemidorum illo loco Strabonis esse auctorem, quod jam notum erat, commemorasse sufficit. Restat, ut respondeam, si quis obieciat, ipsum Artemidori enuntiatum ad verbum exscriptum exstare, quod cum peripli verbis non satis congruat. Occurrunt enim in c. 2, 11, C. 148 haec: *πρὸς ὅν (sc. Ἐρατοσθένην) Ἀρτεμίδωρος ἀντιλέγων καὶ ταῦτα ψευδῶς λέγεσθαι φησιν ἐπ' αὐτοῦ, καθάπερ καὶ τὸ ἀπὸ Γαδίρων ἐπὶ τὸ ὑπὸν ἐχρυσήριον διάστημα ἀπέχον ἡμερῶν πέντε πλοῦν. οὐ πλείονων ὅρων ἢ χιλίων καὶ ἑπτακοσίων σταδίων* efr. peripl. c. 1, 9 C. 140 extr. *αἰθ' ἴσεται τὸ ὑπὸν ἐχρυσήριον. διόχον τῶν Γαδίων ἐλλέπτονς ἢ διοχιλίονς σταδίονς.* Sed mihi quidem valde verisimile est in periplo pro incertis verbis *ἐλλέπτονς ἢ διοχιλίονς* certum quendam numerum scriptum esse, quem Strabo minus definite reddidit. Causa non latet. Cum enim apud eos, qui *ταῖς* vocantur alii intervallorum numeri exstarent, (*ταῖς δ' ἀπὸ μὲν τοῦ Ἰεροῦ κτλ.*) ipse numerum plane certum non prodidit, sed ita ut ad utriusque auctoris numerum suus quantum fieri posset accommodaretur. Nam summa singulorum intervallorum, quae illi *ταῖς* produnt, efficit 1840 stadia. Artemidori vero spatium continet 1700 stadia. Ex utroque igitur numero sequitur, promunturium Sacrum a Gadibus distare *ἐλλέπτονς ἢ διοχιλίονς σταδίονς*. Quae cum ita sint non existimaverim, illum locum obstare nostrae sententiae, Artemidorum esse peripli auctorem.

C.

De ora maris interni.

Nunc jam investigandum mihi proposui, quibus subsidiis Strabo in ora australi depingenda usus sit, atque num in hac quoque ora. quae est inde a Calpe usque ad Pyrenaeos montes et Hispaniae cum Gallia confinium, idem periplus continetur. Atque nunc quidem quoniam auctorem ejus esse Artemidorum probavimus, quaestio haec ita instituenda videtur esse, ut quae in orae descriptione Strabonem ex Artemidoro petivisse demonstrare possimus. ea in periplo illo fuisse existimemus, et vicissim

ea, quae peripli hujus partem esse appareat. Artemidoro tribuamus. Neque enim e veterum auctorum scriptis discimus, Artemidorum praeter periplum, qui nominatur, libros geographicos scripsisse (v. Stiehle Philol. B. 11.) neque omnino est, quod haec quidem terras diversis libris ab Artemidoro tractatas esse censeamus. Explicatur vero descriptio hujus orae

cap. 1. C. 156, §§ 1-9.

§ 1.

Ac de prima quidem par. nunc nobis non est dicendum, quia Strabo in hac par. continuam hujus orae dimensionationem profert eamque aliunde atque ex periplo petitam: quod facile intelligitur. Apparet enim verba inde a *γαὶ δὲ ἀπὸ μὲν Κέλευκος* uno quodam e fonte deprompta esse, qui et ipse peripli speciem habet. Sed alium esse hunc, alium illum periplum, quem in priore descriptionis parte invenimus, intelligemus si recordabimur, quam accurate ibi singula commemorata sint. Praeterea in sequente apparebit descriptione, ubi illico Artemidori periplum iterum reperiemus, nonnulla cum periplo sive stadiasmo pugnare. Omisi adhuc afferre verba *καὶ τῶν Ηομηρίων ἐραθηνάτων*, quae quin in stadiasmo illo ipsa fuerint dubitare non licet: qua re sola Artemidorus auctor removetur. Itaque secundum hujus quaestionis institutionem nunc quidem haec omittentes transimus ad

§ 2.

ubi ad singula describenda Strabo accedit. Ac primum quidem spectemus verba: *ῥέχτις ἐστὶν ὁριανή τῆς Βασίτητανίας καὶ τῶν Ὠρηταίων . . . διορίζουσα τὴν παραλίαν ἀπὸ τῆς μεσσηγείας*. Quibus cum conferamus quae ap. Steph. exstant s. v. *Ὠρισία* . . . *Ἀρτεμίδωρος ἐν διαντίῳ γνωρίζοντων „ἐμφοτίριοι γὰρ“ γησί „κατοικοῦσι τὴν παραλίαν καὶ τινα τῆς μεσσηγείον, πρῶτον μὲν Ὠρηταῖοι* . . . iam Ukertus (II., p. 410 Adn. 29) dicit de hoc Stephani loco, alteram e duabus gentibus, quas verbis *ἐμφοτίριοι* Artemidorus significet, esse Bastetanos: quod e Strabonis descriptione sequi. Mihi quidem persuasum est, enuntiatum, quod ante verba *ἐμφοτίριοι γὰρ* exstabat, quodque apud Stephanum omissum est.

verbotenus prope apud Strabonem servatum esse verbis ῥάχις ὄρεινῇ καὶ. quae supra attuli. Neque offendere oportet quod Artemidorus quidem apud Stephanum pergit: *πρῶτον μὲν Ὠριταροί*, Strabo vero dicit ῥάχις ὄρεινῇ τῆς Βαστητανίας καὶ τῶν Ὠριταρῶν. Nam totum dorsum in Bastetanorum terra est. qui secundum oram maritimam habitant. Oretani vero, qui magis introrsum ab ora maritima adversus septentrionem pertinent, has regiones modo tangunt c. 3. 2. C. 152 *Ὠριταροί . . διήκοιεν ἐκ μέσσης μέχρι τῆς παραλίας τῆς ἐπὶ τοῖς οὐρεσίνων*. Qua de causa etiam is qui tradit *πρῶτον μὲν Ὠριταροί*, dicere potest ῥάχις τῆς Βαστητανίας καὶ τῶν Ὠριταρῶν. Praeterea in reliqua Strabonis descriptione Oretani eundem locum tenent atque apud Artemidorum: quod elucet ex his locis c. 4, 14, C. 163: *Μετὰ δὲ τοὺς Κελτίβηρας πρὸς νότον εἰσὶν . . καὶ Βαστηταροὶ καὶ Ὠριταροὶ σχεδὸν διὰ τι καὶ μέχρι Μελέας* c. 4, 2, C. 156.: *πόλις δ' ἐστὶν ἐν τῇ παραλίᾳ ταύτῃ πρώτη Μάλακα*. Atque nunc quidem dilucidius perspicere possumus, quid statuendum sit de his locis: Strab. III. 3, 2, C. 152.: *τῆς μὲν οὖν Ὠριτανίας κρατιστεύουσά ἐστι πόλις Καστουλὼν καὶ Ὠρία*. Steph. s. v. *Κασταλῶν*, *μεγίστη πόλις Ὠριτανίας, ὥς Ἀρτεμίδωρος τρίτῳ γεωγραφουμένων* Steph. s. v. *Ὠρία* . . *Ἀρτεμίδωρος ἐν δευτέρῳ γεωγραφουμένων . . πρῶτον μὲν Ὠριταροί, πόλεις δ' ἐν αὐτοῖς εἰσι μεγάλαι Ὀρσία καὶ Καστάλων*. Duae enim sunt res, in quibus viri docti jure offenderunt. Primum quidem Strabo c. 3. 2, C. 152. de primaria (*κρατιστεύουσα*) Oretaniae urbe locutus duo nomina subicit *Καστουλῶν καὶ Ὠρία*. Deinde autem apud Steph. s. v. *Κασταλῶν* Artemidori liber tertius affertur, s. v. *Ὠρία* vero, ubi cum aliis rebus eadem atque s. v. *Καστάλων* exponuntur, liber secundus citatur. Priorem jam difficultatem Kramerus ita tollendam esse suspicatur, ut scribamus *κρατιστεύουσα εἰσι πόλεις*, quod respondeat Artemidori verbis *πόλεις δ' ἐν αὐτοῖς εἰσι μεγάλαι* (s. v. *Ὠρία*.) Ukertus autem (II. 1. p. 411) dicit: Strabo bemerkt, die angesehenste Stadt sei Castulo. angehängt ist dann καὶ Ὠρία, was vielleicht ein späterer Zusatz ist. Quod vero apud Steph. altero loco exstat *Ἀρτεμίδωρος ἐν δευτέρῳ* altero *ἐν τρίτῳ γεωγραφουμένων*, Stiehle (Philol. B. 11. p. 189) censet scripturam *τρίτῳ* vitio quodam e *δευτέρῳ* ortam esse.

Nobi haec omnia plana fiunt ratione minus violenta. Artemidorus re vera in duobus libris de urbe Castellone verba fecit: primum quidem in libro secundo in maris interni descriptione, ubi pervenit periplus ad Oretanos oram tangentes (Steph. s. v. *Ὠρεῖαι* — Strabo III. 4, 2, C. 156 *ῥέχτις ἐστὶν ὁρίτις τῆς Βεωτηρίας καὶ τῶν Ὠρηταίων*), deinde vero in libro tertio, in quo ora Hispaniae ad oceanum spectans descripta est (Steph. s. v. *Βεωταῖοι οἱ ἐντοὶ τοῖς Ἀνδαλουσίαις, ὡς Ἀρτιμίδωρος ἐν περίπῳ*). Iam enim vidimus in periplo cum hac orae descriptionis parte conjunctam esse enumerationem populorum, qui supra hanc oram magis introrsum habitant (Strab. III. 3, 2, C. 152.): quarum gentium maxime ad meridiem vergentes sunt Oretanib; quam ob rem Artemidorus hunc populum eiusque primariam urbem iterum commemorat (Steph. s. v. *Κασταζών*). Nunc elucet Artemidori libr. tertii verbis *Κασταζών μάλιστα πόλις Ὠρητίας* respondere Strabonis verba c. 3, 2, C. 152.: *τῆς μὲν οὖν Ὠρητίας ζυγιοτινόνος ἐστὶ πόλις Κασταζών*. Verba autem *καὶ Ὠρεῖαι* additamentum posterius esse recte dixit Ukertus: quod utrum ab interpolatore quodam an ab ipso factum sit, quis est qui dijudicare possit?

Iam redeamus ad periplum, qui pervenit ad primum orae oppidum *Μάλακα* eiusque salsamentorum mentionem facit: quae in quoque oppido commemorare, hujus peripli proprium est: c. 1, 8, C. 140.: *Μάλακία τεργίαις ἔχονσα . . . Βεζών . . . καὶ τεργίαις* c. 4, 2, C. 156. *Μάλακα . . . καὶ τεργίαις ἔχει . . . ἢ τῶν Ἐξιταίων πόλις, ἐξ ἧς καὶ τὰ τεργία* . . . c. 4, 6, C. 158. *Καρχηδών ἢ Νέα . . . πολλὴ ἢ τεργία*. Ea, quae deinceps proferuntur de Maenace et Malaca, aperte peripli tenorem interrumpunt: in quibus res sic se habere mihi videtur: In periplo de urbe Malaca dictum est: *Φουρίζη τῷ ὀλίμῳ*, quae verba apud Strabonem exstant, vel simile quiddam: quod elucet e verbis, quibus periplus continuatur c. 4, 3, C. 157.: *Μετὰ ταύτην Ἰβήρα Φουρίζον πτόμα καὶ ἐντῇ*. Apud alium vero scriptorem (*τινὶς*), de quo quaestionem frustra institui¹⁾, Strabo invenerat, Maenacam idem oppidum esse ac

¹⁾ Ex eo, quod interpolator ap. Avien. Or. Marit. 421 — 426 in eundem errorem ac nostri *τοῖς* incidit, nihil certi cognovi. Muellenhoff. Deutsche Altertumsk. I. p. 81 et 117.

Malacam. Ipsi autem, ut viro docto, notum erat (παρειλήγαμεν), Maenacam esse ultimam Phocaicarum versus occasum civitatem, diutam quidem sed adhuc vestigia originis retinentem. Denique quo spatio Maenace a Calpe distaret et inter quanam oppida eius parietinae exstarent, Strabonem omnino ignorasse colligimus e verbis nimis incertis: ἀλλ' ἐκείνη μὲρ ἀποτίθει τῆς Κάλπης. Μάλακα δὲ πλῆτορ μᾶλλον: qua e re simul apparet, in periplo nihil scriptum fuisse de Maenace.

§ 3.

Mira verba, quae ap. Stephan. de Abdera oppido s. h. v. exstant: . . . πόλις Ἰβηρίας πρὸς τοῖς Γεδαιίοις, ὥς Ἀρτεμίδωρος ἐν δευτέρῳ γ., intelligi vix possunt atque Artemidori epitomae auctori debentur. Supra hoc oppidum in montibus peripplus commemorat Odysseam oppidum (ὥς . . . καὶ Ἀρτεμίδωρος): qua re Straboni occasio offertur ad digressionem faciendam de quibuslibet monumentis ad Homeri narrationes spectantibus. Nomen quidem Ὀδυσσεΐα fortasse solus Posidonius dedit. Ab Asclepiade Myrleano eam appellatam esse Ὀδυσσεΐα certo apparet e nominibus quae sequuntur: Ἀμφίλοχοι, Ἑλλήνηες. Etiam apud Steph. s. h. v. nomen Ὀδυσσεΐα traditum est. Quae deinde post Asclepiadis verba (. . . διαβέρτος ἐς τὴν Ἰταλίαν)¹⁾ ab Artemidoro petivit de Lotophagis, sumpsit ex eius descriptione Libyae: c. 4, 3. C. 157.: σιτούμενοι λωτόν, πόαν τινὰ καὶ ῥίζαν = XVII 3, 8. C. 829 αὐτὸς δὲ (sc. Ἀρτεμίδωρος) . . . τινὰς ἰστορεῖ Λωτοφάγους . . . σιτοῖντο δὲ λωτόν, πόαν τινὰ καὶ ῥίζαν . . . In extrema tum paragrapho alii Lotophagi dicuntur . . . οἰκοῦντες . . . τὴν Μήριγγα: quorum notitiam Strabo Polybio debet: I, 2. 17, C. 25: καὶ τὰ ἐν τῇ Μήριγγι δὲ τοῖς περὶ τῶν Λωτοφάγων εἰρημένους συγκαταῖν (sc. Πολύβιος εἰρηκεῖν) XVII. 3, 17, C. 831: τὴν δὲ Μήριγγα νομίζουσιν εἶναι τὴν τῶν Λωτοφάγων γῆν τὴν ἰσθμὸν Ὀμήρου λεγομένην, καὶ διὰ τὴν τινὰ οἰμβόλην, καὶ βορμὴν Ὀδυσσεύος καὶ αὐτὸς ὁ καρπὸς . . . πολλὸν γὰρ ἐστὶ τὸ δέινδρον ἐν αὐτῇ τὸ καλούμενον λωτόν, ἔχον ἰδίωτον καρπόν. Polyb. XII. 2 (Hultsch p. 809) ἐστὶ δὲ τὸ δέινδρον ὁ λωτός

¹⁾ Muell. f. h. g. III. p. 301, n. 5.

οὐ μίγα . . . ὁ δὲ ζαρπὸς . . . Videmus lotum apud Strabonem dupliciter fingi, primum Polybio auctore arborem fructibus praeditam, deinde secundum Artemidorum herbam quandam et radicem.

§§ 4—5.

Has paragraphos praeterire mihi liceat, quia altera complectitur digressiones quales Strabo adamat de Homeri scientia geographica, altera cogitationes et animadversiones historicas Strabonis ipsius continet: in quibus ea doctrina luet, quam e variis variorum auctorum libris hausit atque ex notitia rerum suo tempore gestarum sibi comparavit.

§ 6.

Iam pergit periplus ad Carthaginem Novam. Verba quae pertinent a καὶ γὰρ ἐρηρὴ τ' ἐστὶ . . usque ad πρὶ ὧν ἐρήζαται, in peripli descriptionem inserta sunt. Ac de argenteis metallis jam in priore descriptione Polybius laudatus est c. 2, 10, C. 147. De situ vero (λίμνη, λίμνη) et munitionibus hujus urbis apud eundem scriptorem Straboni copiosa narratio praesto erat (Pol. X., 10) e qua haec deprompta esse mihi videntur. In proximo autem euntiato facile peripli tenorem rursum sentimus: ζώταῦθα καὶ ἐν τοῖς πλησίον τόποις πολλὴ ἡ τεργία. Deinde mercatura magna commemorata Carthagine profectus subsistit periplus in ostio Sueronis fluvii, ejus cursum ratione hujus peripli describi, jam supra, ubi de fluviiis omnibus disseruimus, dictum est. Tum demum, postquam huius fluminis mentionem fecit, ea quae inter Sueronem et Carthaginem Novam sita sunt, depingit eaque inverso ordine a Suerone rursus Carthaginem tendens: μεταξὺ μὲν ὧν τοῦ Σούρρονος καὶ τῆς Κερχηδόρου τρία ποίχλια . . οὐ πολὺ ἀποθῆναι τοῦ ποταμοῦ . . εἴθ' ἢ τοῦ Ἡρεζλλόου εἴρος ἢδη πρὸς Κερχηδόρου. Hoc jam luce clarius est, Strabonem ab ordine quo res in periplot explicatae sunt, recedere. Tamen quæri potest num res ipsae, quae proferuntur, partim vel omnes e periplot petitae sint. Neque enim si pauca illa verba de Sertorio facta removemus, inest in hac descriptione quicquam, quod in Artemidori periplot fuisse non possit, et revera Artemidorum de his

rebus dixisse, cognoscimus e Stephani verbis s. v. *Ἡμεροῦστο-
πιτον πόλις Κελτιβήρων Φωκαίων ἄποιτος. Ἀρτεμίδωρος
δευτέρου λόγου γ.* Verisimile est, verba *Κελτιβήρων πόλις* ei
qui Artemidori epitomen confecit deberi, qui situm et regionem
hujus oppidi in universum significare vellet. Hispaniae enim
pars ad orientem spectans interdum generatim Celtiberum terra
nominata est. Verba autem *Φωκαίων ἄποιτος* sine dubio
Artemidori sunt congruuntque cum Strabonis verbis *τοῖα πολί-
χρια Μεσσηλιαίων*. Quae cum ita sint, denique inquirendum
est, quidnam causae fuerit, cur Strabo etsi periplum adhibebat,
tamen ab eius firmo ordine recederet. Spectemus haec verba
c. 4, 6, C. 158 extr.: *ἡ δ' ἐνθέρδε* (sc. *ἀπὸ Καρχηδόνας*)
μέχρι τοῦ Ἰβήρος παραλία C. 159 incunt: *μεταξὺ μὲν οὖν
τοῦ Σούζωρονος καὶ τῆς Καρχηδόνας* deinde *πάλιν δ' ἐπὶ
θάλασσαν τοῦ Σούζωρονος ἴστυ ἐπὶ τῇ ἐξβολῇ τοῦ Ἰβήρος*
§ 7.: *Μεταξὺ δὲ τῶν τοῦ Ἰβήρος ἐκτροπῶν καὶ τῶν ἄκρων
τῆς Περσῆνης ἐστὶν ὕδρευται τὰ ἀναθήματα τοῦ Ἡομηρίου.*
quibus cum verbis comparemus: c. 4, 1, C. 156: *φασὶ δὲ ἀπὸ
μὲν Κάλπης . . ἐπὶ Καρχηδόνα Νέαν . . ἐντεῦθεν δ' ἐπὶ
τὸν Ἰβήρα . . ἐντὸς δὲ τοῦ Ἰβήρος μέχρι Περσῆνης καὶ
τῶν Ἡομηρίων ἀναθημάτων*. Nemo negabit, rationem certam
intercedere inter primae par. verba, quae stadiasmi nomine bre-
viter strictimque complecti mihi liceat, et inter institutionem et
capita descriptionis singula exhibentis (c. 1, 2, C. 156: *κατὰ μέ-
ρος δὲ ἀπὸ Κάλπης κατὰ*). Stadiasmm quidem ab Artemidoro
non confectum esse vidimus. Ea vero, quae in ipsa ora de-
pingenda explicantur, Artemidoro imprimis apparuit deberi.
Iam mihi videtur Strabo stadiasmi certas partes primario loco
in descriptione statuuisse, singulas vero res in periplo ordine
expositas stadiasmi capitibus inseruisse et subiecis. Ac pri-
mum quidem caput sine secundariis partibus Carthagine Nova
finitur: qua re in hac parte peripli tenor servatur. Alterum,
quod est inde a Carthagine usque ad Iberum, in stadiasmo in
duas secundarias partes divisum videtur: § 6, C. 158. *ἡ δ' ἐν-
θέρδε μέχρι τοῦ Ἰβήρος . . κατὰ μέρος πως τὸ δῶσθαι
ἔχει τὸν Σούζωρον ποταμὸν . .* Sic geographus post Car-
thaginem statim ad Sueronem pervenit atque inde ab hoc loco

retrosum (*μὲν γὰρ οὐκ ἐστὶ τὸν Σούζουρον καὶ τῆς Κερκυ-
δόρου*) et protinus (*πάλιν δ' ἐπὶ θέρει τοῦ Σούζουρον ἰόντι*)
depingens ea enarrat, quae in periplo inde a Carthagine usque
ad Iberi ostium deinceps exstabant. Itaque exceptis verbis
C. 158 extr. *ἣ δ' ἐρρήσθαι . . .* *ἔχει τὸν Σούζουρον* censeo
omnia, quae in hac par. Strabo in medium fert, ex Artemidori
periplo petita esse, nisi quod in Carthagine describenda partim
Polybio usus est.

§ 7.

In primis quidem verbis, ut demonstravimus, stadiasmi
orae divisio patet. De Tarracone vero urbe in periplo vix
plura dicta erant quam *ἐλπίου μὲν, ἐν νότιον δὲ ἰδρυμένη*.
Quae sequuntur de magnitudine et vigore hujus urbis ipsius
aetate valde aucto, ea potius ore quam literis eum comperisse
consentaneum est. Deinde in periplo Gymnesiae insulae com-
memorantur ante hanc orae partem sitae. Fortasse quispiam
verbis *Ἐρατοσθένης δὲ καὶ παύσατο ἔχειν γῆν αὐτῇ*
adducatur, ut etiam Eratosthenis descriptionem a Strabone hic
adhibitam esse censeat. Sed rem non ita esse, apparebit, cum
omnes locos, ubi in Hispaniae descriptione Eratosthenes citatur,
spectaverimus. Tres sunt: c. 2, 11, C. 148, καὶ *Ἐρατοσθένης
δὲ τῇ ἐν περὶ τῆς Κέλτης Τερενθίδος καὶ τοῦ αἰγίου, καὶ
Ἐρέθιας νῆος ἀνάμνησιν, πρὸς ὃν Ἀρτιμίδεος ἀντιζέ-
γον καὶ ταῦτα περὶ τοῦ αἰγίου ἐπ' αὐτοῦ, καὶ αἰγίου
καὶ . . .* c. 4, 7 C. 159 *Ἐρατοσθένης δὲ καὶ παύσατο ἔχειν
γῆν αὐτῇ, οὐδὲ ἐν τερενθίδος ἀγῶνι ἐν τερενθίδος, ὡς
ἀντιζέγον ἐν τῇ Ἀρτιμίδεος* c. 5, 5 C. 170: *ἔτι δὲ στή-
λας ἐπέλαβον τῇ Κέλτῃ καὶ τῇ Ἀβέρρῃ, τὸ ἀντιζέγον
ὅρος ἐκ τῆς Αἰβέρ, ὃ γῆν Ἐρατοσθένης ἐν τῷ Μετα-
γῶνι Νομίδεω ἔθρην ἰδρυμένην οἱ δὲ τὰς πλησίον ἐκατέ-
ρον νησίδας, ὧν τῇ ἐπὶ τῇ Ἡρῃ νῆος ὀνομαζομένη. Ἀρ-
τιμίδεος δὲ τῇ μὲν τῆς Ἡρῃ νῆος καὶ αἰγίου ἔπειτα ἐν
τῇ, ἄλλῃ δ' οὐ γῆν ἀπὸ τῆς οὐδ' Ἀβέρρῃ ὅρος οὐδὲ
Μεταγῶνι ἔθρην*: Quibus locis dubitatio non est, quin omnia,
quae apud Strabonem ex Eratosthenis Hispaniae descriptione
servata sint, etiam apud Artemidorum contra Eratosthenem dis-
putantem tuerint. Agendum, cum Strabo in Hispania depingenda

Eratosthenis quaslibet sententias non afferat nisi ab Artemidoro improbatas vel refutatas, fieri non potest, quin Strabonem in hac parte omnino non usum esse Eratosthenis descriptione, sed quas eius sententias proferret, eas ex Artemidori periplo deprompsisse existimemus¹⁾: quod mirum non videtur, cum ipse dicat II. 1, 41 C. 93: καὶ ῥῆν δ' εὐρήσθω ὅτι καὶ Τιμοσθένης καὶ Εὐεπτοσθένης καὶ οἱ ἔτι τοῦτοις πρότεροι τέλειος ἡγρόον τὰ τε Ἰβηρικὰ καὶ πλ.

§ 8.

Hac par. breviter reliqua Hispaniae ora depingitur. Populi qui nominantur *Αιητεροί* et *Αετολαῖηται*, ab Ukerto (II, 1, p. 315 16) accensentur Indicetis, quos Strabo c. 4, 1 C. 156 *μεμνημένοι τέτραχε* dicit: quod ille iniuria asseverare mihi videtur. Nam primum perspicuitatis causa Indicetas iterum nominari oportebat. Tum autem hi populi, quibus secundum Ukertum illae quattuor partes continentur, terram inter Tarracoenem et Emporias sitam habitare dicuntur. Indicetae vero ab Iberi ostio usque ad Pompei tropaea pertinent (4, 1 C. 156). Iam videmus inter hos et illos rationem nullam intercedere: quod nihil habet offensionis, cum ex auctoribus diversis haec hausta esse cognoverimus. Deinde de intervallo inter Emporias et Galliae Hispaniaeque confinia codicibus tradita sunt verba *ὅσον τετραεξιοχίλιον σταδίων* manifesto corrupta. Meinekius quidem plerorumque sententiam secutus *τετραράζοντα* in verba scriptoris recepit. Viri docti enim facile intelligentes, quam longe hic Strabonis numerus a vera spatii longitudine recederet, secuti sunt Palmerium, qui eis locis versatus quadraginta vel si ad *πρόποδες Ηερήρης* computaretur, quattuor tantum stadia esse asseveravit. Non recte hoc fecerunt, ut mihi videtur, cum duas res negligerent. Primum enim dicit Strabo *διέχον τῆς Ηερήρης καὶ τῶν μεθορίων τῆς Ἰβηρίας πρὸς τὴν Κελτικὴν*. Ubinam haec confinia sint, quis est qui certo determinet? Nam haec verba ex Artemidori periplo petita sunt, qui ubi fines Galliae et Hispaniae posuerit, nescimus. Certe Pompei tropaea

¹⁾ Heeren (Comment. soc. reg. Gott. V. p. 111) non satis recte dixit: Eratosthenem quoque rerum Hispanicarum non admodum gnarum fuisse, libro iam secundo dixerat, cuius tradita corrigit ex Artemidoro

hoc loco non intelligenda sunt. Deinde vero sequuntur verba: *καὶ αὐτὴ δ' ἐστὶ πᾶσι ἐπαθὴ καὶ ἐξήμερος*. Voce *αὐτὴ* quidem nihil aliud significari potest quam orae pars ab oppido Emporiis usque ad Hispaniae Mines pertinens. Tum vero, si *τιττεράζοντα* vel etiam *τίττερας δι' ὅσον στέδιον* scribimus, num sanum sensum exhibent verba *αὐτὴ ἐστὶ πᾶσι ἐπαθὴ καὶ ἐξήμερος*? Quare hoc apparere mihi videtur, maiorem aliquem numerum ab Artemidoro et Strabone proditum esse. Quaecunque vero de hoc loco sanando tentantur, inania esse mihi videntur et firmo ullo argumento prorsus vacare. Ac periplus quidem ille his verbis finitus est. Hoc enim enuntiatio breviter quidem, sed concinne et ad peripli rationem accommodata orae descriptio ad finem perducta est. Sequentia vero nullo ordine proferuntur. Primum verbis *Ἰταῖθα δ' ἐστὶ καὶ* demonstratur additamentum subiei. Deinde post oppidi, cui Rhode nomen est, commemorationem rursus de Emporiis verba fiunt. Denique (§ 9) verbis *οὐδ' οὐ καὶ* fluvii cuiusdam mentio fit: quae omnia singillatim nullo peripli conexu unum ad alterum annectuntur.

Sic per totam oram maritimam primum descriptionis fontem detegere et indagare conati sumus. Iam dictum est, deesse apud Strabonem septentrionalis orae descriptionem accuratam et ceteris partibus parem. Perpauca tamen verba quispian afferrat, quae instar huius orae peripli videantur c. 3, 7 C. 155 *λέγω τοὺς τῆς πόριος πλείονας ἀγορίζοντες τῆς Ἰβηρίας. Καλλαιζοὺς καὶ Ἀστούρας καὶ Κερτάβους μῆκος Ὀρεσζόρον καὶ τῆς Ἡρρίνης*. Verba sequentia demonstrant, Straboni etiam de hac orae parte paulo copiosiora apud auctorem, quo utebatur, praesto fuisse, quae tamen propter rerum gentiumque ignobilitatem neglexit. Etiam haec Artemidoro tribuenda esse, aliquatenus probatur his verbis comparatis c. 3, 3 C. 152/53 *ὁμοιοὶ δ' ἴσθμ' ἐξ τοῦ πρὸς τῷ μύκον αἱ μὲν Καλλαιζοὶ τῇ τῶν Ἀστούρων Ἰθρία . . .*. Eandem enim invenimus collocationem Clallaicorum et Asturorum his locis quorum altero Artemidorum esse auctorem demonstravimus.

Nunc vero ea perlustremus, quae post peripli finem Strabo in australi ora describenda profert. Ac primum quidem Rhode oppidum commemoratur, de quo spectemus hos locos: XIV. 2 10

C. 654: ἱστοροῦσι δὲ καὶ ταῦτα περὶ τῶν Ροδίων . . ἄρ' οὐ καὶ μέχρι Ἰβηρίας ἐπλευσαν, καὶ καὶ μὲν τὴν Ῥόδον ἐκτίσαν, ἣν ἑστέρον Μασσαλιῶται κατέσχον . . τινὲς δὲ μετὰ τὴν ἐκ Τροίας ἄγασθον τὰς Γεμερησίας νήσους ἐπ' αὐτῶν κτισθῆναι λέγουσιν. ὅν τὴν μίζον γῆρὶ Τίμαος μεγίστην εἶναι . . . Scymn. Chius 205 . . . Ῥόδη δὲ δευτέρα. ταύτην δὲ πρὶν τοῦτ' ἀνατοῦντες εἰς Ἰβηρίαν οἱ Μασσαλῖαι κτίσαντες ἔσχον Φωκαεῖς . . . Μασσαλία δ' ἐστ' ἐχομένη πόλις μεγίστη Φωκαέων ἀποικία. Ἐν τῇ Διγυστικῇ δὲ ταύτην ἐκτίσαν . . . Τίμαος οὕτως ἱστορεῖ δὲ τὴν κτίσιν. Muellerus quidem (fig. h. gr. I. p. 199 et 201, fig. 30 et 40) apud Strabonem ea modo, quae de Gymnesiis exstant, apud Scymnum Chium sola de Massilia verba Timaeo tribuit. Sed illo Strabonis loco vix dubitaverim, quin indidem geographus, unde Rhodiorum ad Gymnesias insulas navigationes comperisset, notitiam quoque de oppidis in Hispaniae ora ab hoc populo conditis sibi paraverit. Apud Scymnum vero cum de Massilia a Phocaeensibus condita Timaeus laudetur, nonne adducimur, ut credamus etiam reliquam de illorum coloniis expositionem ab illo petitam esse? Apud Strabonem igitur videmus Timaeum de Rhodiorum adversus occidentem navigationibus dicere. Apud Scymnum idem laudatur de Phocaeensium coloniis in eadem regione sitis. Iam cum utroque loco una et de Phocaeensibus et de Rhodiis dicatur, censeo utrumque scriptorem omnia, quae de his rebus narrat, Timaeo debere. Deinde vero in libro XIV apud Strabonem invenimus: *ζέξει γὰρ τὴν Ῥόδον* (emend.: *οὕτ'*) *ἐκτίσαν* (sc. οἱ Ῥόδιοι) *ἣν ἑστέρον Μασσαλιῶται*. Tertii autem libri loco, a quo profecta est haec quaestio, exstat: *Ῥόδη πολίχνη, Ἐμποριῶν κτίσμα, τινὲς δὲ Ῥόδιον γῆρὶ*. Equidem non existimaverim, differentiam horum locorum e diversa auctorum memoria ortam esse. Nam primum quod altero loco scriptum est *Μασσαλιῶται κατέσχον* altero *Ἐμποριῶν κτίσμα*, nullius momenti est, cum Emporiae et ipsae Massiliensium colonia sit. Eadem ratione Strabo dicit III. 4, 6 C. 159 *τρία πολίχνη Μασσαλιωτῶν . . τοῦτον δ' ἐστὶ γνῶριμώτατον τὸ Ἡμεροσσοπιῶν*, Artemidorus vero ap. Steph. s. v. *Ἡμεροσσοπιῶν . . Φωκαέων ἀποικοῖς*. Reliqua autem discrepantia nulla alia re effecta esse mihi videtur quam indiligentia qua-

dam scribendi, in quam Strabo hoc tertii libri loco incidit Timaeum igitur horum verborum auctorem esse mihi persuasum est. Tum Dianae Ephesiae cultus in his oppidis, quae a Phoenicibus condita sint, florere dicitur. Causa exponitur in IV, 1, 4 C. 179. Fabula illa de Aristarche nullo alio loco apud auctores veteres narratur. Alia quidem narratiuncula, quae fertur de Massilia condita, ab Aristotele tradita est (Mueller fr. hist. II. 176 fr. 239, sed etiam Timaeum plura de illa re protulisse, elucet e verbis Steph. . v. *Μασσαλία* (Muell. I. p. 201, fr. 59). Equidem, cui haec de Aristarche narratio tribuenda sit, diiudicare nequeo¹⁾. In extrema denique paraphro graphus noster resilit ad res de Emporiis memorandas. Eadem fere de hac urbe exponit Livius (XXXIV. 9) adiciens tertium genus incolarum a Caesare in oppidum introductum. Nissenius quidem in libro, quem de Livii auctoribus scripsit, censet in hac parte Livium Romanos annalium scriptores secutum esse. Atque Ungerus (Philol. III. suppl. part. II. p. 178) probare conatur ea quae apud Livium de Emporiis exstant, a Claudio originem trahere. Iam si Livii et Strabonis verba comparabimus, vix nos fugiet, ea partim inter se simillima esse: *δίπολις δ' ὄντι τείχεϊ διεπτοκίρη* — duo oppida erant muro divisa, *τῷ χρόνῳ δ' εἰς τὸ πόλιν εἰς οὐκ ἓξ* — nunc in corpus unum confusi. Diversitas sane in totam expositionem irrepsit ea de causa, quia Strabo quae sua fere aetate huic urbi accidissent, neglegens antiquioris scriptoris descriptionem satis integram protulit, Livius haec respiciens quae mutanda videbantur mutavit. Quae cum ita sint, quem alium Livii et Strabonis communem esse auctorem existimemus quam Polybium²⁾? Sic vidimus ea quae ad extrema peripli Artemidori verba *καὶ αὐτῇ δ' ὄντι πῶσα ἀγαθὴ καὶ τεύχευρος* adduntur, descriptionis ordine interrupto e diversis libris congesta esse.

¹⁾ His, quae Dederich Rh. Mus. I. p. 129 ff. de Aristarche disserit, haec res non illustratur.

²⁾ Quae sententia non pugnat cum Ungero, qui Claudium Polybium usum esse censet.

§ 9.

Initio huius par. iterum Strabo exponit de rebus, quae inter Emporias et Pompei tropaeas mentione dignae sunt. Tum postquam Emporiensium nonnullos extrema Pyrenes accollere dixit annexit descriptionem viae quae est a Pompei tropaeis usque Obuleonem: *εἰς τὰντὸ δὲ τείνουσαν τῇ προτέρᾳ, τὰ περὶ Καστλῶνα καὶ Ὀβούλζωνα*: per quae loca viam esse Cordubam et Gades subiungit. Spectemus rationem et colorem huius descriptionis. Primum quidem exile quoddam itinerarium hic non subesse apparet e verbis: . . . *τῷ Σπαρταρίῳ καλουμένῳ πεδίῳ*: τοῦτο δ' ἐστὶ . . . *τὴν Ἰταλίαν*: unde suspicari licet, etiam priorem partem, apud auctorem eius aliquanto copiosius tractatam esse quam apud Strabonem: *γέρεται δὲ ἐπὶ Ταρράζωνα ἀπὸ τῶν ἀναθημάτων τοῦ Πομπηίου διὰ τοῦ Ἰονγαρίου πεδίου* Iam cum campus Iuncarius bis commemoretur, primum ante ipsam viae descriptionem, deinde in viae cursu, verisimile est, etiam initium huius par. ex hac viae descriptione sumptum esse. Viae descriptionem quidem apparet coepisse a Pompei tropaeis. Ibi *τινὲς τῶν Ἐμποριτῶν εἰμόνται*. Pergit via ad *τὴν μεσόγειαν* Emporiensium *χώραν*, transit fluvium, qui dicitur *ἐξ τῆς Ἠερύνης ἔχων τὰς ἀρχάς*. Ille portum efficit Emporiensibus, quos linificio operam dare breviter mentio fit. Deinde per alia loca Tarraconem proficiscimur. Hunc fere censo descriptionis tenorem fuisse. Strabo nimirum, qui in par. octava extrema in rebus de Emporiis narrandis substituit, ordine res usque ad Pompei tropaea explicare studuit. Quo factum est, ut contrariō ordine cum describere necesse esset. Cum autem eo advenisset, viae ipsam descriptionem adiunxit ac tum primam partem de qua iam egit, breviter perfecit. Deinde consideremus haec verba: *ἐντεῖθεν διὰ Συγούριον . . . ἐρχομένη κατὰ μισθὸν ἐπίσταται τῆς θαλάττης καὶ συνάπτει τῷ Σπαρταρίῳ* *νυνὶ δὲ ἐπὶ τὰ . . . ἐπιφανέουσαν μόρον* . . . *πλ.* Haec Strabo mea sententia a nullo petere potuit, nisi ab aliquo qui quae ipse videret, depinxit. Tum post descriptionis finem Strabo adiecit verba: *γεωὶ δὲ οἱ συγγραφεῖς ἐλθεῖν Κόδορα ἐξ Ῥώμης ἑπτὰ καὶ εἴκοσιν ἡμέραις εἰς τὴν Ὀβούλζωνα* Huic additamento aliquid miri inesse, fortasse unus quisque sentiet: descripsit Strabo viam a Pompei


tropaeis Obuleonem tendentem: ad quam rem quot diebus Caesar Roma profectus Obuleonem venerit, prorsus non pertinet. Id potius exspectamus pronuntiari, quot diebus via quae descripta est, percurri possit. Attamen hanc par. nobis perlegendibus facile subnascitur suspicio, certissimam quandam rationem inter huius viae descriptionem et inter verba de Caesare facta intercedere. Usque enim eodem, non ultra haec via depingitur, quo et ipse Caesar profectus est. Iam luce clarius est, utra res utrius ansam dederit. Non addit Strabo post viae a Pompei tropaeis usque Obuleonem pertinentis descriptionem fortuito, quot diebus Caesar Roma Obuleonem pervenerit. E contrario Caesaris iter Roma Obuleonem tendens principio ausa erat, ut illa via describeretur. Atque ibi, unde Strabo sua petivit, consentaneum est totum iter depictum fuisse. Strabo nimirum eam tantum partem adhibuit, quae in Hispania versatur. Iam cum hoc loco *οἱ ὀρχηγῆται* laudantur, primo obtutu exspectamus, apud scriptorem quendam, qui res a Caesare gestas prodidit, hanc descriptionem fuisse. Commemoratur illud iter his locis: Appian. II. 103 Sueton. Caes. c. 56 Oros. VI. 16 Dio 43. 32. In libro de bello Hispaniensi scripto de hac re nihil invenimus neque si libros deperditos, quibus Caesaris res gestae memoriae traditae sunt, circumspicimus, quidquam proficimus, cum nihil certi cognosci possit. Hoc tantum non est dubium, quin Asinius Pollio, quem primo loco spectare oportet, viae descriptionis auctor non sit. Nam dum Caesar Pompeianos in Hispania opprimit, ipse in Africam transvolutus est (Appian. II. 45 efr. Baillet diss.: De Asin. Pollion. Götting. 1874 p. 4.). Iis vero locis, quibus de Caesaris celerrimo itinere verba fiunt, nullo modo ipsa via depingitur. Ac ne consentaneum quidem est, hoc a scriptoribus factum esse. Quid enim sibi vellet otiosa itineris descriptio interposita inter res summâ festinatione et contentione gestas? Iam cum tamen connexionem artissimam intercedere oporteat inter Strabonis viae descriptionem et verba de Caesaris itinere facta quid restat? Spectemus Sueton. Caes. 56: „Reliquit (Caesar) de Analogia duos libros et Anticatones totidem ac praeterea poema quod inscribitur Iter. Quorum librorum primos in transitu Alpium, cum ex ceteriore Gallia conven-
tibus peractis ad exercitum rediret: sequentes sub tempus

Mundensis proclii fecit, novissimum, dum ab urbe in Hispaniam ulteriorem quarto et vicensimo die pervenit.“ Quibus verbis cum comperiamus Caesarem in illo celerrimo itinere, poema quod inscribitur *Iter* composuisse, quid aliud existimemus huius poematis argumentum esse quam ipsius eius, quod fecit, itineris descriptionem? Ex hoc poemate Strabo hausit descriptionem quae exstat in hac paragr., atque hanc solam ob rem simplicissimo causarum nexu factum est, ut Strabo postquam viam a Pompei tropaeis usque Obulconem pertinentem descripsit, adderet, quot diebus Caesar Obulconem venisset. Concedo hanc sententiam tum tantum probabilem esse, si existimare liceat, in Caesaris ipsius descriptione quot diebus iter perfecisset, non dictum esse. Nam si hoc in ipso eorum commémoratum esset, Strabo rerum scriptores certe non citasset. Sed vix quisquam contendet, necesse esse putare Caesarem in poemate illo dierum numerum enuniasse.

Hae parographo orae maritimae descriptio finita est. Restat igitur, ut

III.

ea recenseamus, quae de Hispaniae mensuris apud Strabonem inveniamus. Haec enim adhuc separavimus tantum, eo consilio, ut una eorum fontem indagemus. Simul cum hac re congruenda est quaestio de auctoribus cap. prim. paragr. tertiae, quam initio huius commentationis tractare nondum potuimus. Sed hanc commentationis partem, qua ad illam de Augusti chorographia quaestionem adducemur, publici iuris facere nunc nondum possum.



PA

4440

Z55

Zimmermann, Richard

Quibus auctoribus

Strabo in libro tertio

geographicorum conscribendo

usus sit, quaeritur

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY
